

Mbanjsangdonz miz boux goeng-geq ndeu heuhguh Sizyangz, bineix 70 lai bi lo, ndang lij gig cangq. Yienznaeuz ndang naiq di, hoeng guh hongnaz mbouj beij gaxgonq yaez. Sizyangz miz song daeglwg dang ganbu, gaenq couxbawx hix miz lwgnyez doeg suiyyoz lo. Gaxgonq, Sizyangz gvanbaz vihliux song lwg neix baenz caiz, gwn haujlai haemzhoj gvaq, lae haujlai lwedhanh gvaq. Haj bi gonq, yah Sizyangz gvaqseiq lo. Seizneix Sizyangz wnggai naengh gwn yiengjfuk caeuq bae youz gwnzbiengz lo. Hoeng, de lij youq ranzmbanj guh hong naz dem, nyengh mbouj nyienh bae caeuq lwglan gvaqsaedcej.

Geij bi gonq, lwg Sizyangz Ahdaih, Ahngeih raen daxboh mbouj haengj bae caeuq song boux de youq, couh geiq ngaenz dauq hawj daxboh. Sizyangz sou daengz ngaenz le, youh dawz dauq daeuj hawj songde, lij naeuz: “Gou guh naz souhaeuj lai, sou gunghsw h mbouj sang, yaek aeu ngaenz ciengx ranz.”

Miz song mbat, song lwg neix haici dauq ranzmbanj nyengh rag Sizyangz bae caeuq song boux de youq. Sizyangz youq ndaej sam ngoenz, couh

Sim Lwghauq

孝子之心

□ Hoz Cunghliuj/何宗柳

guhcaeg dauq ranzmbanj lo. Song boux lwg de hoz gig ndat, couh mbouj leixlangh Sizyangz, caih de siengj baenzlawz guh couh baenzde guh.

Yienghneix gaenh sam seiq bi gvaqbae, gyoengqvunz doiq ranz Sizyangz gangfaenfaen. Mizmbangj naeuz, faex hung ndaej gang raemh, Sizyangz caen mbouj rox yiengjfuk. Mizmbangj naeuz, bohlwg seiq neix mbouj caemhgya, seiqlaeng doxra mbouj doxdoiq bw. Mizmbangj gangj, song daeglwg de seizneix soeng lai lo, mbouj yungh geiq ngaenz dauq, mbouj yungh haici ma, mbaet ndaej haujlai ngaenz; hai, miz vunz cungj dwg daengz lwg siengj ciengx bohme h gaenq mbouj lix, cij ienqhoij hane. Hix mizmbangj vunz naeuz, mbouj hauqgingq bouxlaux, gangj mbouj ndaej maij guekcoj maij lwgminz bw……Lumj gij

vah saeb cienz haеuj rwz Ahdaih caeuq Ahngeih bae, songde roxnyinh gij vah neix hix miz dauhleix. Hoeng songde doiq daxboh youh fouzfap, cij ndei youz vunzwnq gangj gijmaz cungj ndaej.

Bineix ciet gozging, beixnuengx song ranz vunz dauq ranzmbanj caeuq daxboh gvaq ciet. Ndaw geij ngoenz gyaj, song beixnuengx neix gag dawz noh caeuq laeuj dauq, bae caeuq beixnuengx ndaw mbanj nyaem, angq dangqmaz.

Ngoenzgyaj daihcaet banhaemh, Ahdaih caeuq Ahngeih caeuq gyoengq beixnuengx sij mbouj ndaej doxliz, hoeng hix ngaiz dauqbae danvih lo.

Ngoenzgyaj daihbet haetcaeux, Sizyangz siengj bae cae reih, de bae raen ndaw rienghcwz hoengqhanghang, de aek diuqbubbub. De bae aen ranz cuengq cae rauq baez yawj, doeksaetyat, gijmaz hongdawz fouz fwed gag mbin deuz lo. De vueng ndaej daihsing swenj hwnjdaеuj: “Miz vunz caeg cwz la……”

Gyoengq vunzmbanj comz daeuj lo, mizmbangj ndaq bouxcaeg, mizmbangj riuho: “Cwz deng caeg bae lo, baenzlawz guh reihnaz?” Sizyangz sek

naeuz: “Sou mbouj bang gou bauqanq, lij riu gijmaz?” Miz yah ndeu naeuz: “Daxgoeng, haemhlwenz mwngz gwn laeuj fiz ninz ndaek lai lo, lwg mwngz gaenq dawz cwz caeuq hongdawz mwngz gai hawj dou liux lo. Gij reihnaz ranz mwngz cwngzbau haenx, song boux de hix cienj hawj dou guh lo. Baengzgawq youq ndaw fwngz gou, song boux de lij louz miz fung saenq he hawj mwngz dem.” Yah neix gangj sat, couh dawz baengzgawq caeuq saenq ndenq hawj Sizyangz. Sizyangz heiqhwnj fofo, hai saenq daeuj yawj: Daxboh, lwg mbouj hauq, mbouj caeuq mwngz doxyaeng couh gai cwz gai cae rauq mwngz bae liux. Bak sienh hauq daih’ it. Daj ngoenzneix hwnj, cingj mwngz gaej guh hongnaz lo. Mwngz rox dajsan, henz ranz nuengx miz aen diemq dajsan ndeu, naengh mwngz daeuj caeuq nuengx youq, mbouj miz maz guh, ndaej bae ndaw diemq lienh dinfwngz. Naengh mwngz daeuj caeuq daeggo youq, gaenh ranz go miz aen gunghyenz ndeu, ndawde miz haujlai doenghyienh lienh ndang, mwngz ndaej bae ndawde lienh ndangdaej, caeuq gyoengq bouxlaux guhcaemz gangjgoj. Mwngz lij youq ranzmbanj, dou song beixnuengx moix ndwen daiq lan doxlawh dauqma yawj mwngz mbat ndeu. Neix youz mwngz senj…… Sizyangz yawj gvaq fung saenq neix liux, gikdoengh dangqmaz: Mbwn ha! Dwg bae daiq lwglan roxnaeuz lij laebdaeb youq ndaw ranzmbanj ne……

HAENH MOZ CINGAUH

赞颂莫振高

□ Cinz Yenniz Veiz Couyiz / 覃艳妮 韦伯怡

(ciep geiz gonq)

Gij gyauyoz Duhgauh,
Haujlai vunz cungj rox;
De doq cuengq ndawsim,
Lumj saenj cim nei saeq.

Aen mingz Duhgauh dou,
Mbouj yungh cam couh rox;
Bae Cinghvaz Dayoz,
Mbouj rox geijlai vunz .

Gij gauhgauj bineix,
Gauj ndaej gig ndei bae;
Cwngzciz boux ceiq yaez,
Hix ndaej hwnj dayoz.

Bae Duhgauh hwnjdangz,
Funghheiq feihcangz ndei;

Soengq lwg daengz gizneix,
De ciengzseiz haеujsim.

Duhgauh baenzneix hoengh,
Bouxlawz goenglauz sang;
Moz Cingauh yaucangj,
Danghyenz de ceiq lai.

Bouxlawz dang lauozmoz,
Daengx guek cungj rox caez;
Guh ndei vunzlai gyaеz,
Bae yiengq de hagsib.

Duhgauh Moz yaucangj,
Aencingz gangj mbouj liux;
Ciuhneix de baesien,
Mingz de cienz fanhdaih.

(sat)



Lingsuij doiqfwen.

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz

Duenh haenx, Vuzcouh soengq daeuj mbangj gau catheuj, genj gyoengqde gag cau h, naeuz dwg soengq hawj gij goengdaeuz swigih sawq yungh gij huq moq gyoengqde baez ndeu, bouxboux goengdaeuz cungj baen ndaej daeh iq he. Veiz Gozcingh dangciengz senhbu: “Byawz aeu byawz yaek hawj ngaenz, raeuz cungj mbouj ndaej ciemq gij bienzngeih goenggya.” Doeklaeng caezgya cungj ciuq gij vah de guh le.

Bi 1974, Veiz Gozcingh siengj cawx dingz huq miz daegsaek Guengjsae soengq hawj baengzyoux. Ginghamghgiz daj ndaw gij huq-yienh giyez soengq daeuj, senj le dauq doxgaiq gwn caz swjsah Cangj Huq Naez namh Ginhcouh guh ndeu (miz aen huzcaz caeuq seiq aen cenj iq) soengq hawj de, gangj gijhaenx dwg gij huqyiengh gunghcangj soengq daeuj, mbouj yungh hawj ngaenz. De

naeuz: “Sou dwg mbouj dwg hix yienghneix caezbienh aeu huqyiengh gunghcangj a.” Doeklaeng, youz aencangj hai le mbaw fei 7.5 maenz ndeu hawj de, de cam: “Youq ndaw diemq 7.5 maenz cawx ndaej dauq doxgaiq neix lwi?” Gij dungzci ginghamghgiz naeuz: “Cawx mbouj ndaej, neix dwg aengyaq okcangj.” De naeuz: “Sou dwg mbouj dwg lau gou mbouj miz ngaenz hawj a?” Doeklaeng youh dauqcungz hai mbaw fei gyaq soucawx vaimou 16.5 maenz ngaenz ndeu hawj de, de cij haengj sou dauq

doxgaiq neix roengzdaeuj.

Haujlai gojsaeh Veiz Gozcingh mbouj sonj goeng maeuz sei, seizneix youq gij ganbu ndaw swigih lij cienz ndaej gig gvangq.

Aenvih swigih daj hanghmoeg, ngaenzgoek, doxgaiq daengj fuengmienh daihlig fuzrex ginghamghyеz, gyagiengz dazyinx hong cau hguh doxgaiq ngoenzyungh, Guengjsae youq “4.5” seiz, gonqlaeng miz daihbuеt cangj dangz, daemj faiq, gijgwn, ien’ gienj, cau h ceij, raemx swiqsaeg habbaenz, danci, cibuh, soujbyauj

daengj gunghcangj ndaej guh baenz douzcanj. Caiq gya hwnj gij giyez ginghamghyеz yienzsien youh ndaej caenh’ itbough demhung cau hguh, hongdinfwngz hix ndaej haemq vaiq mbefat, ndigah, daengz bi 1975 “gij giva 4.5” satbyai seiz, Guengjsae gihbwnj guh baenz gag baengh bonjfaenh cau h yungh doxgaiq ngoenzyungh, mbangj huq lij yinh bae bangdingj swngjrog roxnaeuz gai bae guekrog, guh ok gij gung’ yen wng miz hawj guekgya.

(caengz sat)